



# Inuit Ataqatigiit Inatsisartuni

---

10. januar 2007

**Inatsisartut Suleriaasianni § 36, imm. 1 naapertorlugu Naalakkersuisunut apeqquq imaattoq matumuuna saqqummiuppara:**

**Naalakkersuisunut apeqqutit:**

- 1. Isiginnaartitsisarnermut inatsimmik anguniagaqarnermi Naalakkersuisunit minnerpaamik suut imaritinneqartussatut qulakkeerniarneqarpat?**
- 2. Siunissami isiginnaartitsisarneq qanoq ittoq Naalakkersuisut takorloorpaat?**
- 3. Isiginnaartitsisartutut ilinniarneq aallarteqqissallugu Naalakkersuisut pilersaaruteqarpat?**
- 4. Isiginnaartitsisarnermut inatsit qaqugu Inatsisartunut saqqummiunneqarsinnaalissasoq Naalakkersuisut naatsorsuutigaat?**
- 5. Isiginnaartitsisarnermut inatsissamik suleqatigiissitat killiffiata nassuiaatigineqarnissaa pisariaqarpoq.**

(Landstingsmedlem Juliane Henningsen, Inuit Ataqatigiit)

**Tunngavilersuut:**

Ukiuni arlaqalersuni isiginnaartitsisarneq, isiginnaartitsisartullu atugarisaat eqqartorneqartarput. Tamatumani nipi ersertartoq tassaavoq isiginnaartitsisartunut atugassarititaasut naammaginangitsorujussuusut. Nunatsinni isiginnaartitsisartutut ilinniarsimasut amerlanngikkaluit saqqummilaarluartuartut pigaavut, Inuit Ataqatigiinnilu isumaqarpugut allatulli ilinniarsimasutut atugaqartinneqartariaqaraluartut. Isiginnaartitsisartut Silamiut assersuutissatsialaapput, ukiumiit ukiumut aningaasaliiffigineqarsimanerminnik ataavartumik qulakkeerinnissanatik qinnuteqartartuusut, naak ilinniarsimasuullutik isiginnaartitsinermik aallutaqartut.

2004-mi kulturikkut nalunaarusiami erserpoq Naalackersuisut isumaqartut isiginnaartitsisarnikkut inatsit pisariaqartoq.

Kisianni Naalackersuisut tuaviuussanik saqqummiinissaq kissaatigisimangilaat, taamaammallu Naalackersuisut siunniussimavaat suleqatigiissitamik pilersitsisoqarnissaa, inunnik isiginnaartitsinikkut eqqumiitsuliornermik soqutigisaqarluartunik inuttalerneqartussamik.

Maannamut 2007 januari tikillugu annerusumik susoqarsimangitsutut isikkoqarpoq. Naak UPA 04-mi ataatsimiinneq naammassippat Naalackersuisut suleqatigiissitaliornissamut tunngatillugu suliassaq aallarnisarniarlugu neriorsuinikuusut aammattaaq nunatsinni isiginnaartitsisarneq pillugu inatsisiliortoqassappat aningaasatigut sunniutaajumaartut qulaajassallugit nalunaarnikuullutik. Tamakkua tunngavigalugit aperivunga.

Akissutissat kingusinnerpaamik 20. Januar 2007-mi tunniunneqareersimassapput.